



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 05-16-3-594-7/24
Srebrenica, 18.07.2024. godine

Na osnovu člana 53. stav (6) Zakona o javnim nabavkama („Službeni glasnik BiH“ broj 39/14 i 59/22) direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

O D L U K U
o izmjeni tenderske dokumentacije u postupku javne nabavke roba:
„Nabavka goriva za službena vozila i mašine za održavanje“

Član 1.

Ovom Odlukom mijenja se tenderska dokumentacija (u daljem tekstu: TD) po pokrenutom postupku za javnu nabavku roba - „Nabavka goriva za službena vozila i mašine za održavanje“ za koju je objavljeno Obavještenje o javnoj nabavci broj: 1348-7-1-36-3-25/24 od 15.07.2024. godine, na sljedeći način:

1. Na strani 10. TD – tačka 15.3.2. pod e), **mijenja se i glasi:**

„Ponudač je na ime cijene po litri goriva (euro 6 ili BMB 95), koja je bila na prodajnim mjestima na dan objave Obavještenja o nabavci na portalu javnih nabavki, dužan dostaviti kopiju fiskalnog računa izdatog na taj dan. Fiskalni račun mora sadržavati zaglavlje sa jasno iskazanim podacima naziv firme, JIB, broj fiskalnog računa, datum, vrstu i cijenu goriva, kao i prodajno mjesto.“

2. U preostalom dijelu tenderske dokumentacije, sadržaj ostaje nepromjenjen.

Član 2.

Izmjene i dopune koje su navedene u ovoj Odluci će biti objavljene na portalu javnih nabavki: www.ejn.gov.ba danom donošenja Odluke o izmjeni i dopuni tenderske dokumentacije.

Član 3.

Ova Odluka objavit će se na web stranici <https://www.srebrenicamemorial.org/> istovremeno sa upućivanjem ponuđačima koji su učestvovali u ovom postupku.

Član 4.

Ova Odluka stupa na snagu danom donošenja.

O b r a z l o ž e n j e

Postupak javne nabavke roba: „Nabavka goriva za službena vozila i mašine za održavanje“ pokrenut je Odlukom broj: 05-16-3-594-1/24 od 01.07.2024. godine.

Procijenjena vrijednost javne nabavke bez PDV-a iznosi 49.900,00 KM, a postupak se provodi putem konkurentskog zahtjeva za dostavljanje ponuda, za koji je objavljeno Obavještenje o javnoj nabavci broj: 1348-7-1-36-3-25/24 od 15.07.2024. godine.

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, dana 16. i 17.07.2024. godine, putem portala JN, zaprimio pitanja od srane ponuđača koji je preuzeo tendersku dokumentaciju, a koja se odnose na dostavljanje dokaza tehničke i profesionalne sposobnosti, odnosno obavezu ponuđača da dostavi original ili ovjerenu fotokopiju originalnog obrasca o promjeni cijena (OPC) za tačnu adresu lokacije benzinske pumpe najbliže ugovornom organu, ovjeren od strane institucija navedenih u tački 15.3.2. pod e) tenderske dokumentacije.

Razmatrajući postavljena pitanja, Ugovorni organ je utvrdio da se traženi dokaz tehničke i profesionalne sposobnosti ne izdaje na isti način niti po istom postupku na cijeloj teritoriji Bosne i Hercegovine i procjenio da obaveza dostavljanja dokaza od strane ponuđača u originalu i ovjerenoj fotokopiji originalnog dokumenta obrasca o promjeni cijena (OPC), koji bi morali ispuniti svi učesnici u postupku da bi njihove ponude bile prihvatljive, predstavlja ograničavajući efekat na konkurenciju što je suprotno osnovnim principima Zakona.

Iz tog razloga, ovom Odlukom se mijenja tenderska dokumentacija na način da se u tačku 15.3.2. pod e) TD zahtijeva dostavljanje kopije fiskalnog računa izdatog na dan objave obavještenja o nabavci na portalu javnih nabavki.

Zbog gore navedenog, a postupajući po članu 53. stav (6) Zakona o javnim nabavkama, odlučeno je kao u dispozitivu ove Odluke.

Dostavljeno:

1. Web portal javnih nabavki;
2. Svim ponuđačima koji su preuzeli TD;
3. Predmet;



Direktor
Službe Memorijalnog centra
Dr. Ervin Suljagić